

Ɔwulɔ Nyɔɔsiá Paulo Lɔwanlín Sísí
Tesalonikafɔ

¹ Mí Paulo pú Silwano mva Timoteo dé ɔwulɔ ánfɔ wanlín sísí ɔpasua ání ibu Tesalonika wúluto, mligyí anɔ Sí Bulu mva anɔ Wíe Yesu Kristo klé.

² Anɔ Sí Bulu mva anɔ Wíe Yesu Kristo bɔgyíi mli buale, abuha mli iwilwii.

Ipánda

³ Apíó, ilehián ání abéda Bulu ipán mli nwunsv brégy-íbré. Tsúfé mlidédáan hógyitɔ tsía. Ɔdweá mliɔv ha aba é demoní tsía. ⁴ Mú sv anitɔpú mli tsú iwɔ Bulu ɔpasua kugyíku ansító; mli nsiwa pú hógyiá ibu mliɔ, budɔn mliɔv, isóki dé mli tv, mlilatomi sv.

⁵ Inɔ déle súná ání Bulu asúngyí da ɔkpa. Tsúfé obótsu mli ání mlɔlafɔn ha mv iwíegyí ámúú mlidé ipian wúun mú sv ámɔtɔ yɔ. ⁶ Ɔnɔkwaliɔv Bulu gyí. Ɖbéka ahá ámúú bude mli iwɔsɔntɔ wa ámv akɔ. ⁷ Ɖbéha iwɔ bólwií anɔa mli ání mlidé iwɔsɔn wúun, eke ámúú anɔ Wíe Yesu ɔbékplí tsú ɔsúsú bele iwɔ ɔwan mva mv abɔɔv atúmipɔv amv. ⁸ Ogya plɛnplɛntɔ ɔbéba bebití ahá ámúú bumeyín Bulu* ámv isv. Tsúfé butamapú anɔ Wíe Yesu iwɔ asɔn wankláán ámv bwé tɔtɔ. ⁹ Amú isvbití gyí, amúá anɔ Wíenyɔ nsiné bówa ífó, mv túmi móɔwankí wólí amúsú, obéyintá amú bré fíéftó. ¹⁰ Isvbití ánfɔ íbéba eke ámúú ɔbéba, Bulu ɔbówa mv numnyam aha wankíhé ansító. Ifú békitá ahógyipɔv. Mli é mlétsiá amótó, tsúfé mlílóhɔ mv iwɔ adánsɛ ámúú anlégyí suná mli ámvsv gyi.

¹¹ Mú sv anitɔbó mpái há mli anɔaa, Bulu ɔhá amlifɔn nkpa ámúú ɔletɔ mli ɔbéé, mli bétsiá ámɔtɔ. Mv túmi iháa

* ^{1:8} Bumeyín Bulu, tsúfé bumebi mv.

amlitali bwe yilé ání mlidékléá mlóbwe, pumɔ mli hógyi agyómá ɔnɔ. ¹² Ní mletáli bwé íni á, mli su ahá bɔpu numnyam há aní Wíe Yesu, mu é ɔbɔwa mli numnyam; fé alí ámú aní Sí Bulu mua aní Wíe Yesu Kristo awitɔle gyí ámu.

2

Yesu Mua Mblasu Mágyípu Amu

¹⁻² Mí apíó, nobwíi ipa há mli. Aní Wíe Yesu Kristo íbá, pú alíá abóbwe kule yéfia mu asún ání mlilanú umákɔsí kpinkí mli klun, ntée iha opúni itsii mli. Ní aku bɛɛ, ɔɣe Wankíhé lalé súná amú lóó, ntée ibu aní asun blíhé ntée aní ɔwulú kutɔ ání aní Wíe ɔbáke amu laba dodo kúráá á, mlumáhogyi. ³ Mlumáha ɔhaa ɔmle mli ɔkpagyíɔkpasu. Eke kpɔnkpɔnti ánfí uméeba, nkéti ahá bakúsú líí Bulusu, ɔhá ámú ɔtamagyi Bulu mblasu, ɔbéhi ámu lalun ɔwan asa. ⁴ Obótsu iwí fúá, kúsú líí Bulu, ikpi pú tógyítáá anyánkpúsa butosúmsú, blí ání ɔdun amú féé. Obéyetsiá Bulu ɔswékpa unu kúráá, blí ɔbéɛ mvgyi Bulu.

⁵ Mlumókúkáin ání ntebláa mli asún ánfí bréá mbu mli wá? ⁶ Mliyín tɔ́á ide mu ɔkpa tíin dodo. Nkéti mu ɔwanlebí lafun. ⁷ Tsúfé Bulu mblasumágyi túmi ánfí ide agyómá yɔ ñáintɔ dododo, táme ɔku dé mú ɔkpa tíin. Mú su nkéti ɔhá ámu ladáli unu. ⁸ Inú mblasu mágyípu amu ɔbéhun ɔwan ní. Táme aní Wíe Yesu oyínkí ba a, mu ɔnótó afú keke íbómɔ mu, mu numnyam é íbówankí wólí musu yíntá mu. ⁹ Ní mblasu mágyípu anfi ɔlun ɔwan á, ɔbɔpu Satan afunu túmi kpɔnkpɔnti bwé osúna pú ofúla. ¹⁰ ɔbótsun owuntɔlun ɔkpa ɔtsan-ɔtsansu mlé ahá ámú Bulu ɔbéhi amú ámu. Bulu ɔbéhi amú, tsúfé bumekle ɔnɔkwali amu asún, méní Bulu ɔbóhɔ amú nkpa. ¹¹ Íni su Bulu ɔbɔpu afunu ɔɣéá mú ɔnɔ bu ɔnlun wá amótó, méní bóhɔ afunu

asónsú gyi. ¹² Ὀβέħa ahá áñfi bumōħo ðnøkwalí amvsu gyi, butekle lakpan bwe áñfi fée ipón.

Młi Nkpahóo Sv Bulu Léle Młi

¹³ Apíóá anı Wíe tōdwé, ilehián áñi abéda Bulu ipán młi nwunsu brégyíbré. Tsúfé tsú bréá oyi lelun opá Bulu léle młi áñi ðbótsun mv Ὀñé ámv pú mv ðnøkwalí asún ámúb młilahogyi amvsu tun młi iwı, púħo młi nkpa. ¹⁴ İni súb ðlōtsun asun wankláán ámúb anulébláa młi ámvsv tí młi ðbéε, młibétsiá anı Wíe Yesu Kristo numnyam amvto ní. ¹⁵ Mú sv apíó, młilu kínkíínkín, amlukita ðnøkwalí amúb anulósuná młi ámvto, múá anulébláa młi pú múá anulōwanlín sísi młi fée.

¹⁶⁻¹⁷ Anı Wíe Yesu Kristo onutó mvı anı Sí Buluá ðtōdwé anı, alawá awıtōle wá anı atetō-ñnlun áñi imōomō ðñó ekekeεεε, anidé itō wankláán ðkpa kí, owáa młi ðwvnlín młi asun blíħé pú młi bweħé kugyíkvtō.

3

Mpáibo

¹ İtráħe-tráħe a, apíó, młibō mpái ha anı. Anı Wíe asún ámv ikósi kleı. Ahá abvsv obú ħo mú fé alı ámúb młi é młilóħo mú ámv. ² Młibō mpái, Bulu ðle anı tsu awuntōlnpv pú aha laláħe ibıtō. Tsúfé megyí ahá fée lóħo anı Wíe gyi.

³ Táme anı Wíe bv ðnøkwalí. Ὀbówa młi ðwvnlín, ħo młi lé lalaħe Ὀbwepú ámv ibıtō. ⁴ Anı Wíe lahá anulahogyi áñi młidé ntobí ámúb anulósuná młi ámv fée bwe, młiméesi bwe é.

⁵ Ὀkpáa młi, amlınu ðdweá Bulu bv ası yō ðtótótótó, oħa amlıtomi fé Kristo.

Tsiátó Wankláán

⁶ Apíó, anidé młi ðlá da anı Wíe Yesu Kristo idátó anıaa, młımápv Akristofō ámúb buna budetsún, butamakle

agyómá, bumedé atosunáhé amúb anilósuná mli ámusu gyí wa mba. ⁷ Mli onutó mlyin ání ilehián ání mlétsiá ani atsiábi. Tsúfíe anumówa ɔwulyɔ, nátí tsuntsun bréá anibu mli wá. ⁸ Anumégýi ató ɔhaa wá, kíná mú ɪkɔ ka. Mboún anilóyɔ agyómá ɔpa mba onyé kínkíínkín, méni animéesi ipian tswi mlitɔ ɔkɔkɔkɔsu. ⁹ Megýi bæe, anumá ɔkpa bláa mli aniaa, mlikí anisu, sú anilóbwe mú ali. Mboún anilóbwe mú súná mli, méni mli é mlóbwe mú odu. ¹⁰ Bréá anibu mli wá kóráá á, anilówa mbla há mli aniaa, “ɔhá ání ɔmɔyɔ agyómá mágyi ató.”

¹¹ Anilanú ání mlitɔ aku butsie kpaali, bumedé agyómá kɔkɔkɔ yɔ. Okéngyé buna budewa tsun. ¹² Anidé amú olá da ani Wíe Yesu Kristo idátó aniaa, busíi natí tsun, abuyɔ agyómá nya amó atogyihe.

¹³ Táme apió, mli mó á, yilébwe umáta mli ɔhé. ¹⁴ Ní ɔku mégyi asún ánti anilawánlín sísí mli ántisv á, mliki mu wankláán. Mlia mɔnyɔ mlumágyi mba, méni péli békítá mu. ¹⁵ Táme mlímálu mu, mboún mlitɔi kpla mu fé mli pío.

Ikla

¹⁶ Iwilwii Owíe amv onutó ɔhá mli iwilwii bré féétó ɔkpagyíɔkpasv. Ani Wíe otsiá mli féé wá.

¹⁷ Mí Paulo onutó lapú mí ibi wanlín íni. Mí dá ánti ntɔwánlín wá mí nwulú féé asi, púsúná ání itsú mí onutó wá ní.

¹⁸ Ani Wíe Yesu Kristo ogyíi mli féé buale.

Bulu ntam pɔpwe; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 13 Mar 2019 from source files dated 13 Mar 2019

01b09958-fa53-51d1-aae0-88c7e9302503